




猗蘭臺集

二 三稿

14

~ 16
3371
14





1783
18

1783

1783

門八16
號3371
卷14



倚蘭臺集三豪卷之二

卷久
洲林

詩

綠珠怨

雲鬟難復得舊寵思無窮
一旦縱投地孤塊定
不空舞衣看草露歌扇換
秋風願作井間水盈
君玉碗中

子規啼

狻猊亭集卷之二
楚鳥啼無止啼啼不得歸偏堪驚積恨一更嘆
孤飛腸斷空閨枕淚添深夜衣山川春已盡契
約與心違

飛龍篇

遊彼崑墟敲蒸鬱冥鸞鳳排道遠乘雲輶真老
窈窕對我久停玉樓西連紫館椒庭誘我親言
手授金經斯道可得莫老身形復教仙藥服之
養精壽同老胡曠代長齡

定情歌

秋風起兮鴻雁來草露冷兮蟋蟀哀有刀環兮
何無信不得寐兮坐鏡臺

夜短

夜短烏啼燈且亂天明初睡紗窗前寤將鬆鬢
倚庭樹欲摘青梅驚暮蟬

升天行

寥廓騰化術縹緲之太山芝蓋高排露雲車遙

渡瀾日觀停鸞履石閣會衆仙澤澤五星佩漆
漆二儀冠前有油囊酒後有瓊漿餐或弄紫玉
笛移上銀露壇容與以無極邈爾以歷觀尚共
崔文子乘躋遐翩翩忽盡四荒域終欲到九天

詠黃鶯兒

已欲出幽谷金衣未製成窺遷交蔭聽喬木列
風聲

獨眠吟

長夜獨眠眠自難閨中紈扇月光寒還疑秋色
來何早起仰曉天憑玉欄

昭君怨

龍沙風起狼山雲收四邊蕭瑟視天漢浮草木
感候鳥獸憾秋况萬里身寥落久畱夜月凜凜
誰與同憂昔在漢宮酒觴相醺絃管相奏歌曲
相謳以生命長還抱長愁父兮母兮道里悠悠
飛鳧有征不惜觸鸞鳴呼哀哉無所依由信誓

可貫雷嘆儻休

歸風送遠操

大火流兮天風涼懷佳人兮竟難忘感愁眉兮
長惻傷

秋竹曲

朝傳清風響夕含皓月光本根生數竿繁葉覆
幽房但有結雨露久無集鳳凰貞心凌寒苦何
此不頡頏

雙鷺離

雙燕雙止復雙飛行雌雄相思翅羽相迎銜花
逐蝶同歡入幙出帷同鳴幙上雙飛自難定何
意忽作離別情颯風吹樹秋搖落夙夜孤飛愁
屏營仰雲向雨渺難忘望山臨水恨殊長耿介
不寐啼明月慘慄頽思顧四方豈做一鸞覩鏡
裏悲鳴哀響已斃死唯願鴛鴦長戢翼織成亦
爲合歡被

惆悵詩

漢王欲起李夫人宮裏斷腸知幾春
一夜忽看羅帳外紅顏將傍更難親
一朝奉詔淚闌干豈意琵琶馬上彈
偏恨畫工好無信君王不問世間看

怨情

難拂玉階草春回復更生
顏衰已有恨無那舊時情

寂莫向花芳空看春日長
東風吹入坐何似御爐香

漫成

蓬萊宮闕曉天催日出
楓山耀玉臺風靜鸞旌
青靄散春深螭駕彩雲迴
政成尚惜蕭曹慮恩洽
能憐楊馬才萬國橐弓千載治
百蠻獻貢四時來

離宮高望白濱洲
飛閣相連明月樓
山對朱簾

迤北折潮迴玉檻向東流含風翠羽覆瑤席映
水華容列鷁舟漢武榮花非昔日宸遊無那限
千秋

十二玉樓風月關漢王游息壯觀高中天遙掛
西山雪萬里疊來東海濤杯抱白雲傾聖酒盤
浮承露摘仙桃歡娛日短獨將繼明照瓊筵白
鳳膏

老去逢春心慘然古今事事似桑田感時更慕

思玄賦閱世偏憐懷舊篇風外閑花寂寂發雨
中輕鷺飄飄向來難結故園夢強把杯尊醉
欲眠

變遷陵谷古時煙已識星霜五十年香閣花臺
空作野金池銀草自成淵冥雲來去龍蛇隱驚
雨陰晴鳥獸翩且見鐵驄雄獵起萬人獻獲未
央前

朝罷據梧殊寂寞自思更似子雲亭天涯知己

一兄弟海內遨遊幾醉醒赤羽橋西煙雨朗嶺
南坂北樹林青微軀願遁籠中去舒翼長同仙
鶴齡

狂夫一抱大鵬心歛翼多年已陸沈白髮鏡中
添似雪紅塵世事積成林金台雲待山人返銀
漢槎乘春水浚凡國柴扉衆草裏田園荒盡自
陰陰

朝昏江上子規啼淚落鄉心望欲迷遙憶鳴瀧

題石壁堪憐駢埜釣鹽溪今年詩句花相似昔
日酒徒人不齊遮莫九迴愁緒糾百壺傾盡醉
如泥

丁巳春予一齒始落今年庚申八月二齒
又落每落作詩二詩先成因復戲作

覲爲美色折兩齒我爲美食已落三二美人間
所歡樂人生何爲七不堪今年五十雙鬢白命
邪命邪爲酒肉貪世家封食幸不貧饌有佳魚

尊有春春秋高卧養此拙拙者正是同棄民奈
何冠佩入金馬與聞朝儀參良臣鯁之狂態人
勿笑百年不見百年人人常無二美樂兀然不
異土木身

題畫

前流清且漲綠竹含風輕更見羣飛燕集枝似
有聲

秋江歸舟

秋江清且濶夕日入山紅迴棹時遊目白雲山
色空

遣悶

勿論造化變造化本無情幸有一杯酒消愁不
復生

九日謾成

秋風興不淺吹帽落尊前不啻秋風落香醪斗
十千

新晴登樓

秋雨新晴落照催
獨攜杯酒上高臺
殘雲東折數峯隱
夕日西斜大嶽開
何事久爲千里客
愀然偏愧斗筭才
山靈謾笑甘羈爵
未賦一時歸去來

小春

小春日暖樹煙開
處處寒雲返照催
鴻雁忽霑故園淚
關山幾日帶霜來

題畫十五首

前川春水滿
桺下白鷗浮
人絕空堪繫
清流一葉舟
童伐山上薪
嫗汲澗下水
兩人似相呼
前峰雲雨起
抱來白玉盤
灌水盛秋菓
美人跪相見
露光映婀娜
雲外數行鴈
如鳴月下歸
西風渡兩岸
秋葉隔

江飛

謾放籠中鳥鳥飛止小枝從旁揚手呼寫得遊

戲兒

橫橈日垂鈎花開春水濱桃源何可羨卽是武

陵人

戲舉珊瑚鞭欲打枝上鳥馬驚走大道紅顏總

年少

竹裏兩三家隔離野徑開牽牛童子外不見一

人來

攜琴與酒菓扶杖渡河濱山上有飛閣遙如待

友人

半出雲端月清波萬里明孤帆何處去定起故

園情

潏林白雲中仙人弄碁局相對是幾年不知日

月促

飛流天上落常看樹風生斷岸數千丈雲掩不

暫晴

漁父掉小船獨如莞爾笑知誇江湖中安然自
吟嘯

草堂高倚峯千里眼中開坐望關山月風雲交
去來

橋上二三客相共攜琴酒攀徑入林中應有山
水友

返照

草堂連雨暮垂柳自陰陰偶看西山日照來積

翠浚

讀罷古人書欲彈牀頭琴西山催落日斜入簾

鈎浚

早春野望

春風吹面暖山樹對人晴羣嶺連金闕大江迴
鳳城誘童攜綠酒駐馬聽黃鶯更見梅花發遠
過村落行

春興

乘興欲行煙樹中
馬蹄駐處野花紅
獨遊不盡一尊酒
春醉只從楊柳風

春晴

襖引春晴好
獨行墨水潯
寺前花片片
河畔柳陰陰
侍從他年夢
風煙萬里心
羨看波上鳥
何日得抽簪

落花

昨夜園林急雨來
今朝春色半摧隤
百花何必春風限
花落園林掩綠苔

老去偏驚春色過
看花歲歲苦心多
盛衰人事青雲上
謾唱當時白日歌

此君亭飲得澁字

縱飲竹林裏
杯中翠色深
更看昨夜雨
露滴洗清陰

子規啼

枕頭終夜子規啼幾度淚痕霑玉笋不盡聲聲
君且聽如何相憶楚江西

栽竹

數竿栽雨日自道子猷居忽聽長風響清凉
夕讀書

雨中偶成

遠林隱復見細雨亂如煙開牖嗒焉坐草堂薄
暮天

去鄉年已久萬里故人稀愁看江頭雨雲山旅
鴈歸

雨前楊柳垂鷺雀集爭枝看取小園裏帳然有
所思

城門車馬客共竝玉珂行兒女見相羨一時赫
赫名

清泉迴檻外高枕聽長流連日雨聲靜蕭然謝
眺樓

流鶯風外傳一望上林邊煙雨覆高樹朦朧北
闕懸

老去未解官見稱世上人如何造化意一似愛
風塵

牀上朱絃瑟一彈思不群自憐流水調千載有
誰聞

花發千峰雨鴈歸萬里雲去來如昨日白髮思
紛紛

人間多所樂醉月復醉雨雨日酒並佳醉臥睨
寰宇

夏日桂萃樓飲得門字

夏簟投樓上清風簾欲翻趣同孺子榻興做孔
融樽更喜共青眼相忘自漆園醉來君勿厭纖
月出城門

卽興

秋風已度鳳凰臺堪羨一時張翰才遙看煙波

天際色扁舟萬里入雲迴

聞鴈

閣中眠欲斷鴻鴈帛書秋舉首望行處關山落

月頭

仲秋獨酌

薄暮西風落良宵雲靄收暫時光出海忽爾月
當樓獨坐獨杯興一年一夜游唯將清影友人
事有何求

九日醉中歌

九月九日將酌酒幸見黃菊今日開相逢相值
竟日酌百杯百杯復百杯醉中榮華無知者知
者黃菊與酒哉

謾成

官事日紛亂老來閱歷多詩情殊久廢醉色自
微醺治豈慕巫馬遇唯嘆卞和世間才智客煥
似天星羅

晚秋此君亭飲席上贈子遷

再催菊後菊花杯相對尊前醉色開美酒如泉
且須酌請君乘興去還來

清明飲銀臺山莊得明字

愛客復清明山莊興更成盤飧無爲設尊酒好
堪傾目極山河色心閑林鳥聲可憐搔白首謾
起隱倫情

宮怨

舊花開盡新花香水殿芙蓉帶露涼一夜自知
零落去秋風明月怨何長

楊柳枝詞

青雲遙繞洛陽城城外隨風柳絮輕春盡河山
知幾里哀猿客夜別離情

種花樹

萬株小苑繞蘭臺已聽春風入樹來元自解醒
求興處新花何日對人開

秋前一日登樓

病起登樓已白頭又驚日月總如流明朝園裏
秋風起淚落梧桐一葉秋

初秋涼雨集停雲館

朝雨相催過早涼復此亭詩堪揮彩筆景且入
丹青春酒竹添色瑤琴雲欲停老夫佳興甚高
枕不須醒

梅雨限韻

雨中多暇日亭外麥堪秋靜望江村路空浮野
渡舟坐來忘世態徒爾覺年流生事有何戀無
如學海鷗

七月十五日同集桂花樓得成字

樓臺近接鳳凰城置酒杯尊向晚傾曲裏高山
長可愛座中明月更堪驚和歌秋籟園林響下
筆光輝雲漢清相值共忘形外侶不然大飲豈
如鯨

秋閨怨

浚閨夜靜錦衾寒相思欲行行路難萬里秋風
吹不斷燕山明月夢中看

送友人

再會又何歲留君江上臺秋風吹繫纜夜月照
離杯欲曉宿雲去分行旅鴈來勿忘今日醉行
矣路悠哉

秋日登樓

南海煙波八月秋天涯氣色入層樓更看帆影
雲中去千里還思張翰舟
雨晴返照入高樓玉笥山頭雲北流三十年前
攀此去秋風歲歲使人愁

秋夢

閨中風月清歌枕滯思驚鴈已來西北君何留
塞城寒衣霜欲結書札路難行夢裏山河隔安
能得遣情

秋風引

秋風蕭索望鄉臺萬里浮雲去又回愁聽天涯
一行過不知何處鴈鴻來

仲秋新晴

把酒共相願新晴良夜長樹間餘昨雨樓上得
清光聊似庾公興應同阮籍狂月前唯勸醉坐
愛向秋涼

奉賀豆侯六十初度

南山佳氣入高臺天近瓊筵勸壽杯正是映將
松栢色金尊今日爲君開

歲暮雪後集猗蘭臺分韻來字

白髮歲將暮畱君此上臺生涯唯有酒心事忽
爲灰昨雪積猶在寒雲去又來醉中似春暖乘
興折庭梅

題畫

手弄白團扇倚欄向月中不知美人意宛似怨

秋風

重重起暗谷雲脚掛孤城引雨稍如過山頭次第晴

花下飲

風前片片撲杯飛如雪園林映夕暉乘興莫辭人盡醉請看花落滿春衣

游仙詞壽禎齊

往乘黃鶴翅游樂日無窮還甘一閑坐靜聽松

下風

蟠桃詞壽日比氏婦

蟠桃今已熟並蒂自相看更是三千歲優游作合歡

送嘿齋西歸

明朝分手去誰更相追隨到日回頭望東山月出時

題畫

池邊水草花帶露自婀娜中有雙鴛鴦戢翼倚汀左

銀爐煙細細臺上襲雲裳風色似相帶紛紛玉女妝

雨中

獨坐對閑雨階前涼氣生流泉激石碎新竹帶風清雲脚掛高樹林邊靜晚鶯一杯傾不盡難醉思交情

雨中子遷子式烏石集桂花樓得寒字

今雨留君欲罄歡莫如但使對尊闌山遙煙霧九天暗江近杯盤五月寒長夏樓中開筆硯一時壁上掛衣冠爲緣琴酒迎嵇阮聊作風流林下看

夏日遊臨海樓得樓字

一上高阡百尺樓海吞房總傍三州潮平夕照連天落洲曲江煙隔樹浮自喜買山耽眺望共

言遁世此遨遊不如行樂吾曹事今日人生醉
卽休

九日

爲有此君興先傾九日杯午亭黃菊酒不待白
衣來

題石竹畫

石竹石間開翻翻胡蝶羽畫成方寸中似有自
然趣

夏日飲此君亭

吾曹偏嗜酒不異伯倫才竹葉此君物草亭今
日杯筍新含雨淨籜老帶風開長夏兀然醉那
知炎暑來

登樓思故人

登樓千里子規啼遠浦征帆帶雨迷極目江山
看且盡故人定在數州西

宮詞

昨夜瑤臺玉笛分隨風今日更紛紛怪思曾侍
良宵宴如此長聲還未聞

江亭眺望

江亭夏簟送清涼向夕杯尊酣醉長坐看東山
明月色已升煙樹照滄浪

懷子遷遊玉笥山

羨君坐裏數峯看風雨山中夏日寒縱使登仙
忘世界再期鳧舄下雲端

玉笥山頭風月清吟詩酌酒無他情東方炎熱
人皆苦日夜待天甘雨聲

中元夜賞月分韻清字

相賞中元月江風吹且晴夜來片雲盡不讓仲
秋清

嫦娥與宮娥並映夜來清已弄化糝去窈窕向
月明

秋晴

雨後夕陽紅天高晴漢宮殘雲過閣道半月向西風諸子時來訪一尊幸不空相期將此興秋半共俱同

客中夜坐

靜聽夜坐遠江聲萬里波濤心轉驚更濺客中故園淚一羣鴻鴈落三更

乙卯夜夢得詩是風流極酒應雅興長句
繼作篇

夢中纔得句覺後愜吾常詩是風流極酒應雅興長吟來皆尚友醉裏自清狂所樂寧華月會心與物忘

聞鴈

回首聲聲落月微上林苑外一鴻飛高齊寂寞似無事謾起歸心不得歸

八月十五日賞月得明字

對月開杯月上城一尊一笑影分明不知何處

有醒者總是醉人良夜情

秋夜長

西宮夜冷月光流斜倚欄干遣舊愁錦幕雲屏
風寂寞空聽蟋蟀向深秋

秋夕

經過世間事遺身感鵲蟬樹催搖落色風冷苑
籬邊變化看花木盛衰嘆歲年只憐不朽業把
筆向秋天

摘葡萄

葡萄初熟玉盤清瑟瑟秋風白露輕縱使不知
司馬渴寧忘摘得似金莖

秋日小集此君亭得亭字

相逢縱飲此君亭看竹杯尊醉復醒林下爲因
吾黨在秋風更自色青青

雜興

秋風幽林下彈琴看白雲江汀孤鴈落如何獨

不羣

秋詞

因憐明月轉憐秋
白水青山相映浮
何必子猷期雪夜
此時清興欲乘舟

秋山夕望

雲盡秋山敞遠林
下峰樵者急歸心
望中忽出松間月
暮景沈沈次第深

曝錦堂秋遊

曝錦堂前楓樹林
照山紅葉帶霜深
由來醉客耽秋色
請看酡顏與夕陰

冬日郊行

出郭氣殊冷風前落木疎
且看秋後菊處處發
田廬

集飲此君亭得流字

退朝攜酒至氣爽座如秋
竹影除霜色亭前聞
澗流爲催千日醉
相約一時游疎躡吾曹事解

衣將科頭

冬夜閨

矯首閨中向朔邊
燕山寒月白雲懸
誰知夜夜心相會
只恨夢魂艱各天

分詩牌作

客至高臺上轉風
遙拂筵片帆迷落雨
千樹向晴煙滿日長
波隔飛雲夕日懸
詩篇隨筆就一酌
別堪憐

芙蓉晴雪

削成天畔玉芙蓉
雲盡雪華光且重
正是人間堪仰望
由來萬古一奇峰

雨日偶成

園林雨日蓋庭除
坐靜交情也自疎
誰識從來甘寂寞
草萊不讓子雲居

新闢古池

池水迫西岸鑿成
入竹林魚應攸逝
闊鳥更欲

猗蘭臺集卷之二
二十七
窺澗朝夕一青眼眺臨萬里心寂然似卜築古
樹自重陰

早春野望

萬里春風吹面來不寒柳色傍江催吟行野外
尋春處已見梅花相映開

待花

日待林花發登山隨意行行任謝屐不獨愛
春晴

春遊翠竹亭

百盃相酌黃鸝留嵇阮風流酒若流非是春風
能勸醉唯今何作竹林游

春遊龍泉寺

幽邃香臺在山高雲去來談論衆妙起譙接諸
天開春草煥承席雨花翻入盃晚鐘何一急落
日尚徘徊

宮詞

春風一夜落花前起倚欄干獨自憐
蕭索綠何如此急空看長信玉階邊

猗蘭臺集卷之二
春風一夜落花前起倚欄干獨自憐
蕭索綠何如此急空看長信玉階邊

猗蘭臺集卷之二

